

SO WHAT*What is the relevance of the Word to my life?*

- Ano ang nagagawa sa iyong pananampalataya ng kaalamang isinali ng Diyos ang mga Hentil sa Kanyang plano para sa ebanghelyo? Gaano ito kahalaga sa iyo?
- Sa kagustuhan ng Diyos na makipag-ugnayan sa atin, hinahayaan Niya tayong makisali sa pagpapalaganap ng ebanghelyo sa buong mundo. Higit pa sa pagiging responsibilidad nito, ito ay isang pribilehiyo! Ano ang pakiramdam mo dito?
- Papaano ka nababago ng ideyang binibigyan ka ng kapangyarihan ng Diyos upang mamuhay bilang Kristiyano?

NOW WHAT*How do I apply the Word to my life?*

- Nabibilang ka na ba kay Kristo? Kung gusto mong tanggapin Siya sa buhay mo, kausapin mo ang iyong *Victory Group leader* tungkol dito.
- Ano ang magagawa mo ngayon upang magsimulang mamuhay bilang isang mensahero ng Magandang Balita?
- Ang buhay Kristiyano ay buhay ng mga ugnayan: sa Diyos, sa ibang mananampalataya sa iyong lokal na simbahan, at sa mga hindi pa Kristiyano. Papaano mo mapalalago pa ang mga ugnayang ito?

PRAYER

- Pasalamatang ang Diyos na sa pamamagitan ni Jesus at ng Banal na Espiritu, tayong mga hindi Judio ay pupwede nang maligtas, maging kabahagi ng Kanyang bayan, at pupwede ng mamuhay ng may kabuluhan at katagumpayan.
- Manalangin na bigyan tayo ng kakayahan ng Diyos upang maging mga mensahero ng Kanyang ebanghelyo.
- Magdasal para sa pribilehiyong makapagbahagi ng kabutihan ng Diyos sa mga tao sa ating paligid sa pamamagitan ng ating pamumuhay at sa pagpapatotoo natin kay Jesus.

**VICTORY****Honor God. Make Disciples.**

Karapatang Pag-aari © 2011

Pinahihintulutan ang pagkopya ng lathalaing ito na galing sa Victory® para sa kagamitan ng lokal ng simbahan.

Ito ay hindi pinagbibili.

victory.org.ph

FILIPINO**ALL IN****Misteryo**

Week 3

NOTES**CONNECT**

- Ibahagi ang isang paniniwalang pinanghawakan mo noon ngunit nagbago na ang isip mo tungkol dito. Bakit ito nabago?
- Anong naramdaman mo nang maimbitahan ka sa isang magarang pagsasalong alam mong imposible kang maimbitahan?
- Kailan ka huling nakatanggap ng pribilehiyo o pabor na hindi mo inaasahan?

WORD

⁴Habang binabasa n'yo ang sulat kong ito, malalaman n'yo ang pagkakaunawa ko tungkol sa lihim na plano ng Diyos para sa inyo sa pamamagitan ni Cristo. ⁵Hindi inihayag ng Diyos ang planong ito sa mga tao noon, pero ipinahayag na niya ngayon sa mga banal na apostol at mga propeta sa pamamagitan ng Banal na Espiritu. ⁶At ito nga ang plano ng Diyos: na sa pamamagitan ng Magandang Balita, ang mga hindi Judio ay tatanggap ng mga pangako ng Diyos kasama ang mga Judio, at magiging bahagi rin sila ng iisang katawan dahil sa pakikipag-isa nila kay Cristo Jesus.

Efeso 3:4-6

WHAT

What does the Bible say?

Sa Lumang Tipan, alam ng mga Israelitang sila ang piniling bayan ng Diyos (Exodus 6:6,7). At kahit na may iilan ng tanda na madadagdag ang mga Hentil sa kaharian ng Diyos (Genesis 12:2,3; Isaias 2:2-5; Daniel 7:14,27), misteryo ito para sa mga Judio. Di nagtagal ay inihayag ito sa Efeso 3:4,5 na ang mga Judio at mga Hentil ay pantay-pantay ng tatanggap ng handog ng Diyos sa ebanghelyo sa pamamagitan ni Kristo. Ganito inilahad ni Apostol Pablo ang misteryo para sa atin.

- **Tayo ay mga tagapagmana ng laan ng Diyos para sa Kanyang bayan.**

At dahil kayo'y kay Cristo na, kabilang na kayo sa lahi ni Abraham at mga tagapagmana ng mga ipinangako ng Diyos sa kanya.

Galacia 3:29

Bago dumating si Jesus, ang konsepto ng simbahan na magkakasama ang Judio at Hentil ay nanatiling misteryo. Ngunit inilarawan ng mabuti ni Apostol Pablo sa kanyang mga sinulat ang ginawa ni Jesus upang isama ang mga Hentil bilang tagapagmana ng pangako ng Diyos (Galacia 3:29; Efeso 1:13,14). Posible ito para sa mga naniniwala kay Jesus at sa Kanyang ginawa (Roma 1:16). Magbigay ng iilang pangako sa Bibliya na binigay sa atin bilang bayan ng Diyos.

- **Tayo ay mga mensahero ng ebanghelyo sa buong mundo.**

Kahit ako ang pinakahamak sa lahat ng mga mananampalataya, ipinagkaloob sa akin ng Diyos ang pribilehiyong ipangaral sa mga hindi Judio ang hindi masukat na biyayang galing kay Cristo . . .

Efeso 3:8

Tulad ng pagiging tagapagtanggap natin sa kabutihang dulot ng ebanghelyo, kahabagi rin tayo sa pagpapalaganap nito. Binigyan tayo ng pribilehiyong dalhin ang Magandang Balita at maging mga mensahero nito. Tulad ni Pablo, makakaasa tayo sa grasya ng Diyos na tulungan tayong gampan ang papel na ito (Efeso 3:2,7). Bakit natin kailangan ang grasya ng Diyos upang gawin ito?

- **Tayo ay binigyan ng kapangyarihan upang isabuhay ang ebanghelyo at gawin itong bantog.**

¹⁶*Ipinapanalangin ko na sa kadakilaan ng kapangyarihan niya ay palakasin niya ang espiritwal n'yong pamumuhay sa pamamagitan ng kanyang Espiritu* ¹⁷*para manahan si Cristo sa mga puso n'yo dahil sa pananampalataya ninyo. Ipinapanalangin ko rin na maging matibay kayo at matatag sa pag-ibig ng Diyos,* ¹⁸⁻¹⁹*para maunawaan n'yo at ng iba pang mga pinabanal kung gaano kalawak, at kahaba, at kataas, at kalalim ang pag-ibig ni Cristo sa atin. Maranasan n'yo sana ito, kahit hindi ito lubusang maunawaan, para maging ganap sa inyo ang katangian ng Diyos.*

Efeso 3:16-19

Binanggit ni Paul ang espiritwal na kapangyarihang nagbibigay kakayahan sa atin upang mamuhay para sa Diyos sa pagsasailim natin sa pangunguna ni Jesus (Efeso 3:16). Ang “kapangyarihan niyang kumikilos sa atin” (Efeso 3:20) ay nagbibigay sa atin ng pakay at katagumpayan habang namumuhay tayo para sa Diyos araw-araw. Kasama ang grasya ng Diyos, hindi lamang tayo nakakapamuhay ayon sa Kanyang kaparaanan, patuloy rin tayong lumalago sa yaman ng ebanghelyo (1 Corinto 9:22,23). Papaano mo naranasan ang grasya ng Diyos kamakailan?
